



MINISTERIO
Husticia y Asuntunan Social

Gobierno di Aruba
L.G. Smith Blvd. 76
Oranjestad, Aruba
Tel. (297) 528 4900

Aan de heer mr. Edgard Vrolijk
Voorzitter van de Staten
L.G. Smith Blvd 72
Oranjestad
Alhier

STATEN VAN ARUBA
Ingek: 25 AUG 2022
Volgnr: IS/1260/21-22

[Handwritten signatures]

Oranjestad 22 augustus 2022

Ons kenmerk: Bmjs2-A/22/00246

Betreft: Vragen Statenlid Miguel J. Mansur

Ingesloten gelieve u aan te treffen de antwoorden op de vragen van het Statenlid dhr. Miguel J. Mansur

[Handwritten signature]

Rocco G. Tjon, MBA
Minister van Justitie en Sociale Zaken



Aan het Statenlid Miguel J. Mansur
p/a Staten van Aruba
L.G. Smith Blvd 72
Oranjestad
Alhier

Oranjestad, 22 augustus 2022

Ons Kenmerk:

Geachte heer Miguel J. Mansur,

Naar aanleiding van uw vragen d.d. 14 oktober 2021, bericht ik u als volgt.

1. Mirando cu no tin un MB, ariba ki base legal e stuurgroep di gobierno pa Kinderopvang ta operando?

E stuurgroep a haci su trabou a base di un tarea specifico di e Minister di Asuntonan Social anterior, unda a prepara tur e rekesitonan pa e prome nulmeting nacional sosode y tambe delinea e otro aspectonan importante relaciona cu implementacion di e ley KOPV. Actualmente tin un team chikito ta trahando riba e implementacion di ley cu ta; sra. Sue-Ann Ras como coordinador nacional di implementacion di ley KOPV, sra. Surella Croeze cu ta lider di proyecto centro di cuidado di mucha y Supervisor di Codigo y sra. Anouk Eman cu ta lider di proyecto intervencion trempan den e centronan di cuidado di mucha.

2. Ki plan tin pa regularisa tur centro di cuidado di mucha pa crea un level playing field?

P'ese y ta importante p'e Ley KOPV bin na vigor, pero den diferente fase di transicion, unda por tin bista, control y supervision riba tur Centro di Cuido di Mucha na Aruba. Regularisacion ta bay via un Manual di Regulacion, cu lo ta ancla den un MR (Ministeriële Regeling, artikel 17, eerste lid: vaststelling handleiding kwaliteitseisen kinderopvang). E Centronan di Cuido di Mucha ya a ricibi e documento di Manual di Regulacion den su forma di concepto y awor ta den proceso pa haya feedback di e Centronan di Cuido di Mucha.

3. Con Gobierno lo percura pa e ley conta pa tur establecimiento, esnan legalmente registra y clandestine?



Door di cumpli cu e exigencianan minimo den e Ley KOPV, mediante un LBham, artikel 8, tweede lid: nadere regels inzake het register van kindercentra, unda ta indica cu tin pone registracion obligatorio via un vergunningstelstel, mesun maneho cu di 'ouderenzorg' cu nan lo tin di pidi na un Departamento apunta. Pues e permiso aki lo ta ancra den un Decreto Nacional (LBham), unda cu cada Centro di Cuido di Mucha mester por tin esaki visibel p'e mayornan. Lo informa comunidad, specialmente e mayornan, via campaña di conscientisacion tocante e importancia pa un centro di cuido ta registra y tin su permiso oficial.

4. Gobierno a haci un studio ariba cuanto famia lo perde acceso na cuido di mucha si prijsnan subi?

For di dia 5 di juni 2017 fraccion di AVP a pasa un mocion (OV#22, d.d., 5 juni 2017 OLV#832) unda ta urgi e minister en cuestion:

1. Pa laga haci un estudio di e posibilidadnan di (co-)financiamiento (subsidio directo, reduccion fiscal) via gobierno y doñonan di trabou, di e costonan di crèche pa muchanan entre 0 y 4 año, cu e meta pa sigura acesibilidad na cuido y educacion di calidad pa tur mucha, den cual ta tene cuenta cu (1) e capacidad financier di e mayornan, (2) e distancia di cas pa un crèche di calidad y (3) e disponibilidad di transporte di e famia;

2. Y pa pasa informa Parlamento di e resultado di e estudio aki riba e plazo mas corto posibel;

Ta di lamenta cu e e minister en cuestion y e minister anterior (Lampe) no a yega na ehecuta esaki. Despues cu a traspasa e cartera di Centro di Cuido di Mucha bou di minister Glenbert Croes (di cual a duna tarea specifico na Sra. Sue-Ann Ras cu a inicia dia 1 di november 2019), a inicia mesora cu henter e proceso pa implementacion di e ley, unda a dedica pa cuminsa haci e prome Nulmeting, pa despues sigui cu e otro investigacionnan/estudionan necesario.

5. Mirando e realidad socio-economico actual, gobierno tin un plan pa asisti mayornan cu no lo por sigui paga creche?

Actualmente ta sondeando posibilidad cu sector priva pa bin cu incentiva p'e mayornan cu ta traha den sector di priva. Mas cu claro Gobierno tambe lo mester haci analisis y investigacion con por contribui, manera ta e formula cu Traimerdia.



6. Gobierno a considera e efecto aruba e muchanan di mayornan cu no lo por sigui manda nan yiu creche y lo mester laganan cu familiar y/of Amistad cu no ta profesional?

Centro di Cuido ta keda un cuidado caminda ta traha riba e desaroyo di e mucha y un cuidado na cas ta completamente diferente. Lo ta bon pa defini tambe kico exactamente kiermen cu profesional den e area aki, mirando cu den e Centronan di Cuido di Mucha tin 9.6% a indica cu a caba un scol basico, 13.8% a obtene un LBO diploma, 31.2% tin un MAVO/HAVO diploma (25.7% ta un MAVO diploma), 28.9% tin un MBO diploma, 5.5% tin un HBO diploma y 11.0% tin un diploma riba un otro nivel di estudio.

Esaki ta resultado di e Nulmeting di cual tabatin 96 centro cu a participa, cu ta ekivalente na 80% di e cantidad total di centro di cuidado di mucha (121) cu tabata registra e momento ey na FPNM. Tambe mester remarca cu tin un porcentahe basta abou; 45.8% CBS (2013) mucha entre 0-3 aña, cu ta bayendo un centro di cuidado di mucha. P'esey mes e Ley KOPV ta di sumo importancia p'e dreña na vigor, pa asina por wak e posibilidadnan pa yega na un plan di manejo di subsidio, pa haci e centronan di cuidado di mucha mas accesibel pa (tur/mayoria) mucha na Aruba.

7. Ki plan Gobierno tin pa crechenan cu ta huur nan lugar y caminda e propietario no ta dispuesto di inverti den e modificacionnan necesario pa cumpli cu ley?

Nos ta bezig cu ronda di consulta cu tur e instancianan gubernamental concerni, pa nos por yega na e palabracionnan concreto, unda no lo perhudica financieramente e centronan di cuidado di mucha cu e inversionnan di modificacion necesario. Lo enfoca awo den e modificacionnan urgente di siguridad tanto p'e trahadornan como e muchanan cu ta bishita e centro. Hunto cu e instancianan gubernamental aki, lo traha riba un plan di 3-5 aña, unda cu poco poco por yega na e modificacionnan necesario pa un centro di cuidado di mucha. Mas cu claro esaki ta keda un conbenio tambe entre e huurdo y e doño pa yega na un mihor palabracion den contract y cu ki meta ta huur e lugar concerni y cu esey mester ta cuadra tambe cu e reglanan oficial di 'bestemmingrecht'.

8. Gobierno tin un plan pa salvaguardia nan inversionnan?

Cada inversion haci ta dirigi riba salvaguardia tanto siguridad di e muchanan, di e trahadornan como e centro di cuidado mes. P'esey Gobierno ta bin cu e parti di otorgamento di permiso y supervision, unda ta contribui pa e inversionnan cu e centronan haci ta debidamente haci den un transcurso di tempo pa garantisa calidad di cuidado y no haci inversion innecesario.



9. Gobierno tin un plan pa evalua e praktikj di e crechenan y operadornan y duna esey ekivalencia?

Si gobierno tin un plan di maneho di supervision integral, unda ta supervisa, duna guia y conseho na e centronan di cuidado di mucha. Intencion niun momento ta pa Gobierno sera un centro di cuidado, pero mas bien traha conhuntamente cu e centronan di cuidado como tambe e otro instancianan di gobierno, p.e. DTI, Brandweer, DVG, DOW, DIP pa ehecuta un maneho di supervision integral. Tambe lo tin personal cu lo haci supervision riba e maneho pedagogico, cu ta e curason di un centro di cuidado di mucha.

10. Si Gobierno no tin un plan di ekivalencia, con personanan sin experiencia practico den e veld por exigí esnan cu tin decadas di existencia exitoso y sin incidente bay paga Afl.200 pa luna y sigui les pa dos anja?

Mira pregunta 9.

11. Gobierno a considera cu e personanan aki tambe tin famia di nan mes, di unda nan ta suppose di saca e tempo y den algun caso recurso pa bay busca un certificacion pa lago cu nan ta hacienda caba?

Sigur cu si a tende cuenta cu e añanan di experiencia di e lidernan di centro di cuidado y p'esey mes e estudio di MBO3 SPW ta completamente dirigi y desaroya pa integra nan experiencia cu conocimiento di literatura. E estudio aki ta netamente pa nan por desaroya nan maximo talentonan y tambe haci posibel pa nan enfrenta e retonan nobo. E estudio aki tin un duracion normal di 4 aña y poniendo tur nan experiencia di tanto aña, a percursa pa hacie den maximo 2 aña y un estudio tipo BBL (Beroepsbegeleidende leerweg), pues ta combina siñamento y trahamento. Ademá di tur esaki, e estudio aki ta 2 biaha pa siman cual ta sera total 7 ora hunto pa siman cu nan ta tin di ta presente den les pa e estudio. Tareanan ta wordo traha na cas den ora cu nan mes ta desea y tambe tin posibilidad (dependiendo e maestro y e material) pa traha esaki den klas tambe.

12. Gobierno tin un plan pa recompense nan pa e fondonan y tempo cu nan a inverti?

Si, Gobierno ta cubri un parti di e gastonan (Awg. 125,-) pa esnan cu participa na e estudio, cu ya ta andando for di januari 2022.

13. Gobierno a haci un studio ariba con implementacion di e ley lo afecta e funcionamiento di e industria?

Tin algun estudio haci den pasado tocante e efecto cu e ley aki tin riba e funcionamiento optimal di un centro di cuidado. Unda tur recomendacion ta pa bin cu regulacion y supervision den e centronan di cuidado di mucha, mescos cu den e casnan di hende grandi. Importante ta pa accentua cu e implementacion di e ley no lo afecta e funcionamiento, sino lo empodera, estructura y garantiza un mihor funcionamiento na bienestar y siguridad di nos muchanan.



14. Si implementacion di e ley resulta cu algun creche lo sera, gobierno tin un plan pa e muchanan cu lo keda sin un centro di cuidado?

E implementacion di e ley no ta defini si e centronan di cuidado lo mester sera of no. For di 2015 e centronan di cuidado tabata involvi den e proceso, unda na 2017 a pasa e ley y sigur algun di e cabesantenan a hasta forma parti di un comision, unda nan a sinta cu e minister (Hooyboer-Winklaar) di e tempo ey, pa yega na un manual di regulacion y e implementacion mes di e ley. E gobierno aki a djis adapta e manual na un situacion mas realistico y faborabel pa bienestar di e muchanan como tambe e centronan di cuidado, implementando algun exigencia basico y necesario cu un centro di cuidado di mucha mester tin como basico. Y tambe a uza e investigacion haci na 2020 den 96 centro di cuidado di mucha (80%), como punto di salida, p'asina toch gran mayoria di e centronan di cuidado actual por sigui funciona.

15. Gobierno a considera introduce un "grandfather clause" cu ta exonera crechenan existente sin incidente di implementacion di e ley inmediatamente?

E exigencianan ta asina minimo, cu cierto exoneracion no ta necesario. Y ademas ta duna e centronan di cuidado un periodo di transicion riba diferente exigencia, pa alivia e peso financiero.

16. Ki tempo e industria lo por haya un manual di regulacion di cuidado di mucha actualisa cu e cambionan pendiente?

Esaki ta planea pa diahuebs 1 di september proximo. Ya nan a haya e ultimo version for di 11 di juli y varios di nan a manda nan comentario. Por bisa cu mayoria ta di acuerdo y ta wak nan mes den e manual di regulacion nobo aki.

Rocco G. Tjon, MBA
Minister van Justitie en Sociale Zaken